


Xperia XZ Premium Model termaju keluaran Sony

BERITA HARIAN 14/6/18 M/S 5



Model Xperia XZ kini di pasaran Malaysia.

Oleh Che Wan Badrul Alias
chewan@bh.com.my

Sony Mobile Communications (Sony Mobile) melancarkan matador utamanya di gelanggang pasaran tempatan, Xperia XZ Premium.

Kali ini model telefon pintar paling majunya itu memanfaatkan beberapa kekuatan Sony dalam industri teknologi hiburan termasuklah kamera rakaman pergerakan termaju, paparan memukau HDR 4K dan keupayaan muat turun pada kelajuan super.

Menerapkan teknologi TV BRAVIA Sony, Xperia XZ Premium menjadi telefon pintar pertama yang memiliki teknologi paparan skrin 5.5 inci 4K HDR (High Dynamic Range, 2160 x 3840).

Hasilnya, pengalaman tontonan BRAVIA kini dimikmati pada peranti sebesar tapak tangan terma-

suk kedalaman imej, kecerahan, perincian dan kontra warna yang memuaskan diperkayakan dengan teknologi paparan peranti TRILUMINOS Sony, X-Reality dan sistem Dynamic Contrast Enhancer.

Prestasi terbaik

Cip pemproses Xperia XZ Premium turut dipertingkat dengan lapan teras 64 bit Qualcomm Snapdragon 835 menjadikannya sebagai telefon pintar pertama memiliki keupayaan LTE mencecah 1Gbps.

Walaupun penulis belum menguji kekuatan sebenar peranti baharu Sony ini, Snapdragon 835 secara asasnya berupaya menyokong grafik memukau, prestasi terbaik dalam kecekapan bateri maksimum.

Antara ciri-ciri yang menarik perhatian penulis adalah soket sambungan USB 3.1 Type-C yang

Info
Sony XZ Premium

→ **Telefon Pintar Terbaik** MWC 2017 oleh Global Mobile Awards (Glomo Awards)

→ **Penerapan teknologi BRAVIA** dengan telefon pertama memiliki paparan 4K HDR

→ **Rakaman** kamera Motion Eye untuk video aksi
→ **Muat turun** pantas mencecah 1Gbps

menyediakan kepantasan pindahan data 10 kali lebih cepat berbanding USB 2.0 mencecah 5Gbps.

Sedia imej rakaman

Seperi Xperia XZ, model baharu ini turut dilengkapi dengan sistem kamera Sony Motion Eye dan kamera Motion Eye yang menyediakan rakaman video super-panjang 960 kerangka sesaat (fps), empat kali lebih perlahan berbanding mana-mana telefon pintar di pasaran.

Bahkan penerima beresolusi tinggi new 19MP turut memiliki 19 peratus lebih piksel untuk rakaman lebih cahaya bagi menyediakan imej rakaman yang lebih terperinci dan tajam walaupun dalam persekitaran suram.

Revolusi peranti baharu Xperia XZ Premium ini hadir pada harga RM3,399 dengan pra-tempahan sudah dibuka awal bulan ini.

Telefon pintar pertama memiliki teknologi paparan skrin 5.5 inci 4K HDR

